

古逸
漢詩

古詩源
卷一

嘉慶八年重鐫

古詩源

酉山堂藏板

詩至有唐為極盛然詩之盛非詩之源也今夫觀
水者至觀海止矣然由海而源之近于海為九河
其上為泆水為孟津又其上由積石以至崑崙之
源記曰祭川者先河後海重其源也唐以前之詩
崑崙以降之水也漢京魏氏去風雅未遠無異辭
矣即齊梁之綺縟陳隋之輕豔風標品格未必不
遜於唐然緣此遂謂非唐詩所由出將四海之水
非孟津以下所由注有是理哉有明之初承宋元
遺習自李獻吉以唐詩振天下靡然從風前移七
子互相羽翼彬彬稱盛然其敝也株守太過冠裳

土偶學者咎之由守乎唐而不能上窮其源故分門立戶者得從而為之辭則唐詩者宋元之上流而古詩又唐人之發源也予前與樹滋陳子輯唐詩成帙窺其盛矣茲復泝隋陳而上極乎黃軒凡三百篇楚騷而外自郊廟樂章訖童謠里謠無不備采書成得一十四卷不敢謂已盡古詩而古詩之雅者略盡於此凡為學詩者導之源也昔河汾王氏刪漢魏以下詩總孔子三百篇後謂之續經天下後世羣起攻之曰僭夫王氏之僭以其擬聖人之經非謂其錄刪後詩也使誤用其說謂漢魏

以下學者不當蒐輯是懲熱羨而吹鑿見人噓而
廢食其亦翦翦拘拘之見爾矣予之成是編也於
古逸存其槩于漢京得其詳於魏晉獵其華而亦
不廢夫宋齊後之作者既以編詩亦以論世使覽
者窮本知變以漸窺風雅之遺意猶觀海者由蓬
河上之以溯崑崙之源於詩教未必無少助也夫
康熙己亥夏五長洲沈德潛書於南徐之見山樓

例言

康衢擊壤聲聞詩上自陶唐下暨秦代韻語可
采者或取正史或裁諸子雜錄古逸冠於漢京窮
詩之源也詩紀脩詳茲擇其尤雅者

風騷既息漢人代興五言為標準矣就五言中較
然兩體蘇李贈答無名氏十九首古詩體也廬江
小吏妻羽林郎陌上桑之類樂府躰也昭明獨尚
雅音略於樂府然措詞敘事樂府為長茲特補昭
明選未及後之作者知所區別焉

安世房中歌詩中之雅也漢武郊祀等歌詩中之

頌也廬江小吏妻羽林郎陌上桑等篇詩中之國風也樂府中亦具三體當分別觀之

曹子建云漢曲詠不可辨魏人且然況今日耶凡不能句讀及無韻不成誦者均不錄

蘓李以後陳思繼起父兄多才渠尤獨步故應為一大宗鄴下諸子各自成家未能方埒也嗣宗觸緒興懷無端哀樂當塗之立又成別調矣

壯武之世茂先休奕莫能軒輊二陸潘張亦稱魯衛太冲拔出于衆流之中丰骨峻上盡掩諸家鍾記室季孟於潘陸之間非篤論也後此越石景純

聯鑣接軫過江末季挺生陶公無意為詩斯臻至
詣不第於典午中屈一指云

詩至於宋體製漸變聲色大開康樂神工默運明
遠廉儁無前允稱二妙延年聲價雖高雕鏤太甚
未宜鼎足矣齊人寡二兮暉猷有一代元長以下
無能為役

蕭梁之代風格日卑隱侯短章猶存古躰文通仲
言辭藻斐然雖非出羣之雄亦稱一時作者陳之
視梁抑又降焉子堅孝穆並以總持略其體裁專
求名句所云差強人意者耶

梁時橫吹曲武人之詞居多北音鏗鏘鉅鑣競奏
企喻歌折楊柳歌詞木蘭詩等篇猶漢魏人遺響
也北齊敕勒歌亦復相似

北朝詞人時流清響庾子山才華富有悲感之篇
常見風骨所長不專在造句也徐庾並名恐孝穆
華詞瞠乎其後

隋煬帝豔情篇什同符后主而邊塞諸作矯然獨
異風氣將轉之候也楊處道清思健筆詞氣蒼然
後此射洪曲江起衰中立此為之勝廣矣

漢武立樂府采歌謠郭茂倩編樂府詩集雜謠歌

詞亦俱收錄謂觀此可以知治忽驗盛衰也愚於
各代詩人後嗣以歌謠猶前人志云

漢以前歌詞後人僞作甚夥如夏禹玉牒詞漢武
帝落葉哀蟬曲類是也詞旨可取不妨竝登真偽
自可存而不論然如皇娥白帝歌事近於誣虞姬
答歌蘇武妻答詩詞近於時類此者不敢從俗采

入

詩非談理亦烏可悖理也仲長統述志云畔散五
經滅弃風雅放恣不可問矣類此者槩所屏却

晉人子夜歌齊梁人讀曲等歌俚語俱趣拙語俱

巧自是詩中別調然雅音既遠鄭衛雜興君子弗
尚也愚於唐詩選本中不收西崑香奩諸體亦是
此意

新城王尚書向有古詩選本抒文載實極工裁擇
曰五言七言各立界限故三四言及長短雜句均
在屏却茲特采錄各弊補所未備又王選五言兼
取唐人七言下及元代茲從陶唐氏起南北朝止
探其源不暇沿其流也

詩之為用甚廣范宣討貳爰賦標梅宗國無鳩乃
歌圻父斷章取義原無達詁也箋釋評點俱可無

庸為學人啓禽徑未能免俗耳

書中徵引宜錄全文緣䟽通大義匪同箋註凡經史子集時從刪節近於目陋就簡識者諒諸

德潛學識淺斟於剝詩緝頌略無所得此書援据典實通達奧義得三益之功居多叅訂姓氏詳列于簡

歸愚沈德潛識

叅訂姓氏

尤 珍謹庸 長洲

施何牧贊虞 崇明

王材任子重 黃岡

楊 賓可師 山陰

計 默希深 吳江

沈用濟方舟 錢唐

顧嗣立俠君 長洲

杜 詔紫綸 無錫

李 崧靜山 無錫

魏荔彤念庭

柏鄉

王汝驤雲衢

金壇

方還冀朝

番禺

侯銓秉衡

嘉定

陳祖范亦韓

常熟

陳培脉樹滋

長洲

沈起元子大

太倉

張錫祚永夫

吳縣

徐夔龍友

長洲

顧紹敏嗣宗

長洲

許廷鏢子遜

長洲

孫謨丕文

江寧

朱奕恂恭季

長洲

劉震東郊

吳縣

謝方連皆人

宜興

張畹遜九

吳縣

張鈇少弋

吳縣

方朝東華

番禺

周永銓昇逸

長洲

李果客山

長洲

汪琬西京常熟

尤怡在京吳縣

周遠少逸吳縣

毛樹杞遇汲吳縣

周準欽萊長洲

鄭思用元稹吳縣

王之醇鶴書崑山

翁玉行靜子江陰

汪銓上衡新安

彭啓豐翰文長洲

朱玉蛟雲友

長洲

顧詒祿祿百

長洲

江向燭青麓

長洲

陸世懋向直

太倉

沈振超亭

長洲

朱受新念祖

吳縣

門人

洪鈞鳴佩

寧國

尤秉元昭嗣

長洲

滑士麟苑祥

太倉